

Morning Dogri (NSD) National News Bulletin 26-08-2024

आकाशवाणी

- भारत ते सिंगापोर बश्कार मंत्रीस्तरै दुई गोलमेज बैठक अज्ज सिंगापोर च होग। भारत दी तरफां चार केंद्रीमंत्री मुख्यै दा प्रतिनिधित्व करगन।
- महाराष्ट्र दे मंत्रिमंडल नै केन्द्र दी यूपीएस दी तर्ज उपपर सरकारी मुलाजमें लेई एनपीएस च तरमीम गी मंजूरी देई दिक्ती ऐ।
- मुख्य भरै च अज्ज जन्माष्टमी दा ध्यार मनाया जा'रदा ऐ।
- मौसम सरबन्धी मैह्कमे नै अगले त्रऊं दिनें तोड़ी मध्यप्रदेश, राजस्थान, गुजरात, महाराष्ट्र ते गोवा च बड़ी भारी बरखा दी चेतावनी दिक्ती ऐ।
- अमरीकी ओपन टेनिस प्रतियोगिता 2024 अज्जै थमां न्यूयार्क च शुरू होआ'रदी ऐ।

<><><><><><>

India Singapur

भारत ते सिंगापुर बश्कार मंत्री स्तरी गोलमेज बैठक अज्जै थमां सिंगापुर च शुरू होआ'रदी ऐ। बैठक दा मकसद दौनें मुख्यें बश्कार करोबार ते आर्थिक सरबन्धें गी होर तगड़ा करना ऐ। बैठक च भारत दी तरफा चार केन्द्री मंत्री निर्मला सीतारमण, पीयूष गोयल, डॉ. एस. जयशंकर ते अश्विनी वैष्णव मुख्यै दा प्रतिनिधित्व करगन। दौरे दरानसबबै मंत्री सिंगापुर च अपने हमरूतबा कन्नै मलाटी करगन। भारत ते सिंगापुर बश्कार पैहली गोलमेज बैठक 2022 च नमीं दिल्ली च होई ही। भारत लेई सिंगापुर सिद्धा विदेशी निवेश एफडीआई दा प्रमुख स्रोत ऐ। 2023-24 च सिंगापुर नै भारतीय बजारें च 11.77 बिलियन डॉलरें दा निवेश कीता हा। अप्रैल 7 2000 थमां मार्च 2024 बश्कार सिंगापुर भारत च 159.94 बिलियन डॉलरें दा निवेश करी चुके दा ऐ। दपक्खी कारोबार दे क्षेत्र च सिंगापुर भारत च 6मां सारे शा बड़्डा भ्याल मुख्य ऐ। सिंगापुर कन्नै भारत दा निर्यात 21 बिलियन डॉलर ते आयात 14.41 बिलियन डॉलरें दा ऐ।

<><><><><><>

Maharashtra Cabinet

मुख्यमंत्री एकनाथ शिंदे हुंदी अध्यक्षता च लग्गी दी महाराष्ट्र मंत्रिमंडल दी बैठक च केन्द्र दी यूनीफाइड पेंशन स्कीम दी तर्ज पर परतियै बनाई गेदी नैशनल पेंशन स्कीम गी लागू करने दी मंजूरी दित्ती गई ऐ। एह स्कीम 1 मार्च 2024 थमां लागू कीती गई। राज्य च राज्य सरकार ते मकामी स्व-सरकारी मैहकमे दे कोई 13 लक्ख 45 ज्हार कर्मचारी च इंदे च 8 लक्ख 27 ज्हार कर्मचारी एनपीएस तैहत कवर कीता गेदा ऐ। रटैर आईएस अधिकारी सुरेश कुमार हुंदी अध्यक्षता च लगी दी उच्च स्तर दी कमेटी दी सफारशें पर केबनित नै मंजूरी दित्ती ऐ ते कमेटी नै सफारश कीती ही जे राज्य सरकार एनपीएस च निवेश दे जोखम गी चुक्के। नमें सिरेया तैहत योजना मूजब रटैर होने पर कर्मचारिं गी खीरली तनखाह 50 फीसदी ते डीए दे बरोबर पेंशन थ्होग।

<><><><><><>

Janmashtami

भगवान कृष्ण दा जन्म ध्याड़ा जन्माष्टमी अज्ज मुख्य भरै च बड़े मते उत्साह ते धार्मिक श्रद्धा कन्नै मनाया जा'रदा ऐ। श्रद्धालु बडलै थमां प्रार्थना लेई भगवान कृष्ण हुंदे मंदर पुज्जा'रदे न। मथुरा ते वृंदावन च बी जन्माष्टमी बड़े मते उत्साह कन्नै मनाई जा'रदी ऐ। मथुरा च प्रेम मंदर, बांके बिहारी मंदर, इस्कान मंदर ते श्री कृष्णा जन्म जन्म भूमि मंदर गी सजाया गेआ ऐ। राष्ट्रपति द्रौपदी मुर्मू होरें मुख्य ते विदेशें च रवा'रदे भारतीयें गी जन्माष्टमी दी शुभकामनां दित्तियां न। अपने संदेश च राष्ट्रपति होरें आखेआ जे जन्माष्टमी दा ध्यार असेंगी भगवान कृष्ण हुंदे दैविक सिद्धातें प्रति समर्पित होने लेई प्रेरित करदा ऐ। उनें आखेआ जे श्रीमद भागवत गीता च भगवान श्री कृष्ण ते अर्जुन बश्कार गल्लबात, अमूलयी मानवता लेई प्रेरणा स्रोत्र ऐ। उपराष्ट्रपति जगदीप धनखड़ होरें बी जन्माष्टमी दे मौके पर देशवासिं गह मुबारकबाद दित्ती ऐ। उनें आखेआ जे जन्माष्टमी दा ध्यार प्रेम, बुद्धील, न्याय, सच्चाई, दया ते धर्म दी स्थापना दा प्रतीक ऐ। उनें सब्बनं लोके गी धर्म दी राह उप्पर चलने ते सब्बनं दे कल्याण लेई कम्म करने दी अपील कीती।

<><><><><><>

Janamshtami-Dwarka

गुजरात च जन्माष्टमी पूरी धार्मिक श्रद्धा भावना कन्नै मनाई जा करदी ऐ। द्वारका दे द्वारकादीश मंदर दाकोर दे श्री रन्छोड़ मंदर ते होर दुए भगवान कृष्ण दे मंदरें च बड़ी धूमधाम कन्नै मनाई जंदी ऐ। द्वारका, दाकोर, श्यामलाजी ते इस्कान मंदरें च श्रद्धालुएं दी भीड़ लग्गी दी ऐ। द्वारकाधीश मंदर च अज्ज बडलै जन्माष्टमी समारोह् मंगल आरती कन्नै शुरू होआ। द्वारकाधीश मंदरै गी बड़ी शैल सनहाकड़े ढंगै नै सजाया गेदा ऐ ते रातीं 12 बजे शा लेइयै ढाई बजे तगर कृष्ण जन्माष्टमी ते होर दुए पूजा अर्चना कीती जाग।

<><><><><><>

Weather

मौसम विभाग नै मध्यप्रदेश, राजस्थान, गुजरात, महाराष्ट्र ते गोवा च अगजे त्रऊं दिनें लेई भारी बरखा दी चेतावनी दित्ती ऐ। मध्यप्रदेश ते पूर्वी राजस्थान च बने दा दबाह् योग हाड़ें गी डूहगा होई गेआ ऐ ते एह्दे दक्खनी राजस्थान, गुजरात बक्खी अग्गे बघने दी मेद ऐ। मौसम विभाग मूजब अज्ज पच्छिम मध्यप्रदेश च भारी बरखा होन दी संभावना ऐ। इयै जनेही स्थिति पूर्वी ते दक्खनी राजस्थान च पेशगोई कीती ऐ। इंआ गै बंगाल दी खाड़ी च समुंद्र च रगेलि दौनें दी पेशगोई कीती गई ऐ।

<><><><><><>

Indonesia Floods

इंडोनेशिया दी मोहकू सूबे च चानचक्क हाड़े ते पस्सियां पौने करियै बड़ी भारी तबाही होई ऐ। आपदा सरबंधी मकामी प्रबंधन कार्यालय मूजब अजें तगर 13 लोथां बरामद होइयां न ते 6 लोक अजें बी लापता न। बचाह् कम्म चले करदे न ते प्रशासन तबाही दा आकंलन करै करदा ऐ भारी बरखा कारण आए दे हाड़ें ते पस्सिएं कारण जनजीवन प्रभावत होआ ऐ ते 1000 कर्मी तपाश ते बचाह् अभियान च लग्गे दे न।

<><><><><><>

Russia Stikes

रूस नै यूक्रेन दे केई हिस्सें च केई हमले कीते न जेहदे च चार जनें दी मौत होई गई जदके 37 जनें घायल होई गे न।

<><><><><><>

Tennis

अमरीकी ओपन टेनिस प्रतियोगिता अज्ज थमां न्यूयार्क च शुरू होआ'रदी ऐ। भारतीय चुनौती दी अगुवाई सुमीत नागल ते राहन बोपन्ना करगन। 2019 मगरा थमां सुमीत नागज इक्कै ब'रे च चारों ग्रैंड स्लैम दे सिंगल्स वर्ग च खेड़ने आले पैहले भारतीय खडारी न। उन्नै आस्ट्रेलियन ओपन च दुए ते फ्रेंच ते विम्बलडन ओपन च पैहले गेड़ तोड़ी मकाबले खेड़ने न। रोहन बोपन्ना डबल्स वर्ग च दऊं बारी ग्रैंड स्लैम जित्ती चुके दे न।

<><><><><><>